

ԱՐՁԱՆԱԳՐՈՒԹՅՈՒՆ, ԹԻՎ 3.

2018 թվականի ապրիլի 26-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 11բ դասարանի ծնողական ժողովը:

Ժողովին ներկա էին բոլոր ծնողներն ու աշակերտները:

Ժողովը վարում էր դասդեկ Մարինե Քոչարյանը:

Ներկա էին նաև քիմիայի, մաթեմատիկայի, հայոց լեզվի ուսուցչուհիներ Լուիզա Աղաքարյանը, Վարդիթեր Քոչարյանը և Գոհար Ղազարյանը:

ՕՐԱԿԱՐԳՈՒՄ՝

1.

ա) ուսման առաջադիմությունը

բ) դասագրքերի և աշխատանքային տետրերի վիճակը

դ) համազգեստը և նրա պահպանումը

ե) դասարանի սանիտարական վիճակը և գույքի պահպանումը՝

զ) հաճախումների արդյունքները

2. Ընթացիկ հարցեր (կարգապահություն, վարք և այլն):

Ա. Լսեցին՝

Օրակարգի առաջին հարցի վերաբերյալ ելույթ ունեցավ դասդեկ Մարինե Քոչարյանը: Նա ամփոփ ներկայացրեց դասարանի աշակերտների դասապրոցեսին մասնակցությունը և պատրաստվածությունը: Հատկապես բոլորի ուշադրությունը հրավիրեց այն հանգամանքի վրա, որ բարձր դասարաններում շատ են բացակայության դեպքերը, որոնք կարող են լուրջ հետևանքներ ունենալ: Ծնողներին տեղյակ պահվեց իրենց երեխաների բացակայությունների մասին: Ծանոթացրեց սովորողների՝ հաջորդ դասարան փոխադրվելու կարգին: Տեղեկացրեց, որ կազմվելու է մայիսի 15-ի դրությամբ աշակերտների բացակայությունների մասին տեղեկանք: Ուստի հորդորեց՝ վերջ դնել անհարգելի բացակայություններին, որի հետևանքով սովորողը լուրջ գիտելիքների բացթողում է ունենում:

Դասդեկը հետևողական է եղել հերթապահության, հաճախումների, դասագրքերի և աշխատանքային տետրերի վիճակի ստուգման, համազգեստի, նրա պահպանման, ինչպես նաև դասարանի սանիտարական վիճակի ու գույքի պահպանման հարցում: Պատժվել են նրանք, ովքեր կատարել են կարգապահական շեղումներ, փորձել են խանգարել կամ լքել դասերը: Անմիջապես տեղեկացվել է ծնողներին ամեն ինչի մասին և դասդեկ-ծնող համատեղ ջանքերով փորձել են հարթել ծագած խնդիրները:

Զեկուցողը նշեց նաև ուսման մեջ չառաջադիմող աշակերտների անունները, նրանց վարքի դրսևորման, հերթապահության կատարման, տվեց դասարանի ծնողական և աշակերտական խորհուրդների աշխատանքի համառոտ ամփոփագիրը:

Որոշեցին՝

- Ուժեղացնել դասարանի աշակերտների նկատմամբ հսկողությունը սովորելու հարցում ծնողների կողմից և ամեն գործում օգնել դասղեկին:
- Ավելի հաճախ լինել դպրոցում, կատարել դասալսումներ՝ աշակերտների կարգապահությունը և վարքը բարձր մակարդակի վրա դնելու համար:

Լսեցին նաև ներկա գտնվող ուսուցիչների և ծնողների ելույթները.

1. Ծնողխորհրդի նախագահ Լուսինե Հովհաննիսյանը առաջարկեց ուժեղացնել դասարանում կատարվող բոլոր աշխատանքների հսկողությունը ծնողների կողմից և ամեն հարցում եենարան լինել դասղեկին:

Որոշեցին՝

Ա. Հաճախակի լինել դպրոցում, կատարել դասալսումներ, հետևել օգնել աշակերտներին ամեն հարցում:


Բ. Ստուգել երեխայի ամենօրյա դասապատրաստումները (տնային և գործնական աշխատանքների կատարում և այլն):

Քննարկվեցին նաև ընթացիկ հարցեր՝ կապված աշակերտների կուլտուրական մակարդակի բարձրացման, զիտելիքների զարգացման և այլ խնդիրների լուծման հետ (կոլեկտիվ կինոդիտում, այցելություն թանգարաններ ու թատրոններ, ներդպրոցական միջոցառումներ և այլն):

Բոլորն էլ հավաստեցին, որ սովորողների պարտադիր կրթության իրականացման գործընթացում մեծ է ծնողների դերը երեխային ուսման մեջ աջակցելու և դպրոցից դուրս նրա օրվա մնացած ժամերի զբաղվածությունը ճիշտ կազմակերպելու հարցում, որովհետև նրանց ամենօրյա անմիջական հսկողությունից և ծնողական պարտքի զգացումից է կախված աշակերտի ուսման նկատմամբ պա-տասխանատվությունը, օրվա ռեժիմի ճիշտ կարգավորելը: Պետք է փորձեն միասնական պահանջներ ձևավորել երեխաների դաստիարակության և ուսման հիմնախնդիրների լուծման հարցում:

Դասղեկը հորդորեց ծնողներին ճիշտ կազմակերպել երեխաների և՛ ազատ ժամանակի տնօրինումը, և՛ դասապատրաստման գործը:

Կարևոր է նաև երեխաների հաճախակի այցելությունը մշակութային օջախներ՝ կրթական մակարդակը բարձրացնելու և նոր մարդ ձևավորելու ընթացքը ճիշտ հիմքերի վրա դնելու համար:

Ժողովի նախագահ՝  (Լ. Հովհաննիսյան)

Քարտուղար՝  (Թ. Ավետիսյան)